



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Venerabilis Patris D. Hludowici Blosii Abbatis Lætiensis
Ordinis S. P. N. Benedicti Tomus Posterior Margaritum
Spirituale**

Blois, Louis de

Monasterii Campidonensis, 1672

§. V. Compassio.

[urn:nbn:de:hbz:466:1-45885](https://nbn-resolving.org/urn:nbn:de:hbz:466:1-45885)

SPRECU-
LUM SPI-
RITUA-
LE.
Math. 5

preces ad Deum fideliter fundito: quemadmodū ipse Christus monet, dicens: *Diligite inimicos vestros, benefacite his qui oderunt vos, & orate pro persecutibus & calumniantibus vos.*

2.
Egeni,
in qua-
vis aru-
mna

Erga quoslibet tentatos, afflictos & necessitate aliquā pressos, gere viscera misericordiæ plena. *Ærumnas egenorum hilariter elemosynis releva pro modulo facultatum tuarum. Crede te dare Christo quod das pauperi.*

3.
Anima-
bus, in
Purgato-
rio;

Mitte etiam fidelibus animabus quæ in pœnis Purgatorii adhuc detinentur, spirituales elemosynas, orans devota mente pro illis. Quidquid pro earum absolutione & refrigerio piè feceris, Christus, qui illas ardentè diligit, id ita accipiet, quasi tu ad ipsum in carcere positum venisses, eumque inde liberare sategisses. Nam illæ ad Corpus Christi mysticum pertinent, & Christus in Evangelio asserit sibi præstari quod membris suis præstatur.

Unde & ait: *In carcere eram, & venistis ad me.*

§. IV. BENEVOLENTIA.

1.
Omnibus
bene op-
tandum
& pro-
eandem.

Omnium salutem magnoperè desidera, nec tibi levis iactura videatur, si pereat unica anima rationalis: quæ (cū sit imagine DEI insignita) excellentior est & pluris fieri debet, quàm totus hic mundus visibilis. Nos omnes sumus membra unius corporis, cujus caput est Christus. Non igitur optes nec velis alicui malum, neque cuiquam invidias: sed de

Eph. 4.
5.

bono alterius gaude. Nemini scienter injuriam inferas. Neminem imprudenter conturbes aut contristes. Nemini quidquam facile exprobes. Cum omnibus pacem (quantum in te est) habeto.

Si fortè inter te & alterum exortum fuerit dissidium vel rixa aliqua gravior, mox de reconciliatione sollicitus esto, & fac quod tui officii est, tamquam humilis & verus servus Christi. Quin & alios inter se dissidentes ad tranquillitatem & concordiam revocare stude, pià oratione ad Deum fusâ, aut etiam alio modo congruenti.

Neminem cum dedignatione asperneris aut contemnas: id enim sanctæ humilitati & charitati valdè contrarium est. De nullius adhuc viventis salute penitus desperes: quia qui modò per-versus est, potest mox Dei gratia bonus effici. Pons divinæ misericordiæ nondum est dejectus, sed adhuc securum præstat transitum his qui respiscunt.

§. V. COMPASSIO.

Sicut afflictis, ita & peccantibus piam cōpassionem atq; commiserationem exhibeto. Ingemisce propter ignorantiam & cæcitatē humanam. Veniat tibi in mentem, quanta sit & diaboli tentantis malignitas atque infestatio, & hominis tentati infirmitas atque corruptio. Extenua culpas aliorum, eosque excusa quantum convenienter pores: sed de his

SPECULUM SPIRITUALE.
 22.
 2.
 Cura salutem proximi

his quæ ipse malè agis, accusa graviter teipsum.

2. Nullo modo arbitreris, proximi tui salutem nihil ad te pertinere: tu enim (etiam si non præsides) eam libenter & sedulò promovere debes. Offer igitur preces Deo pro peccatoribus, & cunctis prodesse coneris: ita enim eximiam gratiam apud Deum promeraberis.

3. *Quomodo correptionem fraternam adhibenda.*
 Ex zelo etiam justitiæ divini-que honoris exerce correptionem fraternam, uti congruum fuerit. Peccatis aliorum numquam consentias, neque cuiquam aduleris. Si irasceris ut peccantem corrigas aut castiges, irascere sine felle, sine odio. Sic persequere peccatum in homine, ut tamen propter peccatum quod homo commisit, non oderis hominem quem Deus fecit. Odio habe culpam, non naturam. Si enim odisti hominem, perditus es, quia extra charitatem vivis: & non poteris salutem consequi: nisi deposito odio sanctam dilectionem resumas. Nam, ut Joannes Apostolus ait:

1. Ioan. 3. *Qui non diligit, manet in morte.*
 Omnino talis manet in morte: quia charitas vita animæ est, & Deus charitas est. Sicut vis Deum in te esse benignum & clementem, ita tu quoque in alios sis benignus ac clemens.

4. *Sic tamè ut teipsum tuosq; defectus respicias.*
 Si diligenter consideraveris, quàm ipse vitiis defectibusque tam animi quàm corporis aliquando abundaveris, vel adhuc abundes, & quàm longè ab sis à purita-

te, sanctitate, ac fidelitate quam Deo tuo debes; nimirum onera & imperfectionem aliorum æquanimiter supportabis, uti discretio & æquitas admitret. Confitere te in causa esse, propter vitiosam vel negligentem vitam tuam, quòd alii parum in spiritu proficiunt, & crebrò Deum offendunt.

§. VI. CENSURA ALIORUM.

Facta & dicta aliorum in bonam partem (quantum fieri potest) interpretare. Non leviter de aliis malè cogites. Quando incidunt in cor tuum sinistrae & absurdæ suspiciones de aliquo, mox etiam excidant: tu eas prætervolare sine. Et quamvis aliquando fortè timeas ne diabolus hominem seducat, nève malum in homine lateat: non tamen certò credas latere malum, si id omnino tibi certum non est. Ad hunc modum abstine à temerariis judiciis; nec sis ineptè curiosus ut aliorum defectus observes, sed tuos defectus attende, ac teipsum judica.

Non improbè te ingeras his quæ tibi commissa non sunt: quin potiùs talia in statu & ordine suo dimitte. Sint bona, bona: mala verò facilè non judices, sed judicanda Deo relinquant, qui corda hominum clarissimè videt, & perfectè cognoscit quidquid malè sit. Is qui vult se negotiis quibuslibet immiscere, omniaque loquaciter reprehendere & dijudicare, procul abest à vera sui cognitione;

1. *Temerè de alio m. judicet, aut suspicietis malum.*

2. *Ea nec. res, qua ad te nihil attinent.*